

Broj: 01-06-06/3-14-2-1042
Sarajevo, 08. 01. 2018. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), i Odredbama Pravilnika o uslovima i načinu korištenja e–aukcije (Službeni glasnik BiH broj : 66/16), federalni ministar unutrašnjih poslova **d o n o s i**

O D L U K U

o dodjeli Ugovora za nabavku usluga servisa i održavanja informatičke opreme u toku 2018. godine.

Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka javne nabavke putem Konkurentskog zahtjeva za dostavu ponuda, broj: 01-06-06/3-14-2-1246 od 29.09.2017. godine, dodjeljuje se Ugovor za nabavku usluga servisa i održavanja informatičke opreme u toku 2018. godine.

II

Ugovor za nabavku usluga servisa i održavanja informatičke opreme u toku 2018. godine. dodjeljuje se ponuđaču „ASPO RAIL“ d.o.o. Sarajevo, koji je dostavio ponudu u iznosu od 4.939,74 KM, sa popustom i PDV-om, i koji ispunjava sve uslove predviđene Konkurentskim zahtjevom.

III

Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za zaključivanje Ugovora.

O b r a z l o ž e n j e

Komisija za provođenje postupaka nabavke svih roba, usluga i radova za 2018. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/3-14-2-1027 od 20.10. 2017. godine, provela je postupak po Konkurentskom zahtjevu za dostavu ponuda za nabavku usluga servisa i održavanja informatičke opreme u toku 2018. godine. objavljenom na Portalu javnih nabavki, broj: 405-7-2-54-3-39/17 od 08.12. 2017. godine.

U predmetnom postupku nabavke dostavljena je ponuda ponuđača „FACIT“ d.o.o. Sarajevo sa ukupno ponuđenom cijenom sa PDV-om i popustom od 4.090,72 KM i ponuda ponuđača „ASPO RAIL“ d.o.o. Sarajevo sa ukupno ponuđenom cijenom sa PDV-om i popustom od 4.939,74 KM.

Nakon izvršene analize Komisija je konstatovala da je ponuda ponuđača „ASPO RAIL“ d.o.o. Sarajevo prihvatljiva za Ugovorni organ jer sadrži sve elemente-dokumente tražene tenderskom dokumentacijom, dok ponuda ponuđača „FACIT“ d.o.o. Sarajevo nije prihvatljiva iz razloga što je ponuđač umjesto Obrasca za cijenu ponude za usluge servisiranja i održavanja informatičke opreme (Anex 2) dostavio Obrazac za cijenu ponude za usluge servisiranja i održavanja birotehničke opreme.

S obzirom da je Obavještenjem o nabavci objavljenom na Portalu javnih nabavki, broj: 405-7-2-54-3-39/17 od 08.12.2017. godine predviđeno korištenje e-aukcije, ista nije zakazana, jer je dostavljena samo jedna prihvatljiva ponuda, te će se postupak okončati u skladu sa čl. 69. Zakona o javnim nabavkama BiH i u skladu sa Odredbama člana 3. Stav (3) Pravilnika o uslovima i načinu korištenja e-aukcije (Službeni glasnik BiH broj : 66/16).

Komisija je uzela u obzir i tačku 5) Tenderske dokumentacije, koja se odnosi na primjenu preferencijalnog tretmana domaćeg.

Shodno navedenom a vođen Izvještajem o radu Komisije i preporukom o dodjeli Ugovora, Ugovorni organ je odlučio kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



Dostaviti:

1. Ponuđačima
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.

BK/GM

FMUP-ODL